

Greta de Cuba: "Ami ta un Trupial"



E boton di Trupialen

ORANJESTAD – Greta de Cuba tambe ta un personahe cu ta basta conoci den nos sociedad como gerente di Actividadnan na La Cabana. Aki ta sigui un relato cu e kier a comparti cu nos lectoran como un Trupial.



Greta de Cuba

SU AÑANAN COMO UN TRUPIAL

"Mi a drenta den Trupialen na final di 1971. Mi tabata tin apenas 12 año. Door cu mi prima y primonan tur tabata den Trupialen nan a lastra mi pa mi tambe bay cu nan club. Una bes cu mi a cuminsa, mi a gusta masha hopi mes. Mi a haya leuk di ta cu otro muchanan di mi edad, y mi a haya Frère Alexius hopi streng mes. Hasta mi por bisa cu mi tabata tin miedo di dje.

SONG FESTIVAL

Durante año 1973, De Trupialen a organisa un songfestival na cual mi tambe a participa y a logra e di 7 puesto hunto cu difunto Lourdes Coutinho, Errol Wever, Elsa Krosendijk, Robbie Luidens, Joycelyn Jacobs y Sonia Webster. Nos a pasa masha dushi mes na Cas di Cultura. Ainda mi ta corda cu Maybeline Arends-Croes

a forma parti di e hurado e tempo ey.

DISCIPLINA, RESPET, HARMONIA Y FUN

Trupialen a significa pa mi, disciplina, respet, harmonia y mas cu tur cos fun. Hopi harimento y tambe momentonan di tristeza ora di perde sernan keru cu a bay laga nos. E momentonan mas dushi cu mi a pasa cu Trupialen ta ora cu nos tabata bay den e bus di palo rond pa canta. Y tambe mi ta corda cu nos a participa un biaha den carnaval cu difunto Lourdes como Reina y Johnny Kelly como Prins. E fiestanan di disfras na club tabata hopi great y ami a bisti un biaha na hippie. Na año 2006 mi a ser corona como Mrs. Carnaval di Trupialen. Como no, ainda mi ta canta de bes en cu-



Greta de Cuba corona como Mrs. Carnaval 2006.

ando, ora mi trabao ta permiti.

DE TRUPIALEN COMO EXPERIENCIA

Parti di mi trabao actual (mi ta Activities Manager na La Cabana) ta pa organisa songfestival pa empleado y door di mi experiencia cu Trupialen, esaki a yuda mi y encurasha mi pa motiva hende pa canta y demostra nan talento.

ORGUYOSO DI TA UN TRUPIAL

Mi kier a duna De Trupialen un danki di curason pa tur e bon momentonan y mi ta orguyoso



Greta de Cuba hunto cu su coleganan na La Cabana.

di por ta un Trupiaal. Ora cu mi mira un Trupiaal ta bula of para ariba waya of palo, mi ta sinti e orguyo di ta tambe un Trupiaal". □